

Brouwerij Nacional Balashi y SolCarib ta encabesa transicion pa energia sostenibel

ORANJESTAD -- SolCarib den cooperacion cu MetaCorp a anuncia awe finalisacion di e trabounan di construccion di e sistema di energia solar di 100kW na Brouwerij Nacional Balashi. Siguiendo nan tradicion como un compania neta-mente Arubiano, Brouwerij Nacional Balashi ta e prome compania riba ons isla pa genera energia limpi, economico y confiabel pa propio uzo den nan fabrica. E proyecto aki di 100kW ta e prome sistema comercial construi na Aruba, desde cu nos isla a uni cu Carbon War Room y a compromete pa ta un isla cu energia 100% sostenibel na aña 2020.

Gehrlicher Solar America Corp.

E proyecto, diseña y construi pa Gehrlicher Solar America Corp., a uza contratistanan local pa instala mas di 400 "photovoltaic (PV) modules" riba dak di e fabrica di cerbes, refresco, awa y malta. E compania Gehrlicher ta un compania di ingenieria y construccion multinacional cu mas di 20 aña di experiencia.

Un Aruba sostenibel
Brouwerij Nacional Balashi a enfatisa cu "Nos ta masha orguyoso di por inverti den tecnologia responsabel pa nos medio ambiente y cu ta fisicamente viabel y cu ta hiba nos na un Aruba mucho mas sostenibel. Gehrlicher y SolCarib a traha masha di cerca cu Balashi pa yuda nos compronde e tecnologia solar y pa saca mas beneficio di nos

inversion den metanan sostenibel".

Promove uzo di energia renoba

E compromiso di Balashi pa encabesa e proceso di ta un ehempel den uzo di energia sostenibel na Aruba, combina cu e experiencia di Gehrlicher, sin duda a ilumina e comprension di e reguladornan local di e opcionnan comercial den uzo di "photovoltaic solar systems". E compania nacional di distribuidor di coriente, NV Elmar, ta administrando un programa masha progresivo pa cu uzo di energia solar pa promove mas uzo di energia renoba riba nos isla, cu proceduranan di interconexion cu ta permiti penetracion solar, "boost grid reliability",

stimula crecimiento economico y reduci dependencia riba importacion di combustibel fossiel.

Cambio den e pensamiento

"E proyecto aki ta algo completamente nobo y moderno pa Aruba. Un maneho solar progresivo tambe ta rekeri cambio den e pensamiento cu nos a conoce den pasado riba energia, cambio burocracia y curasha mas inversion for di sector priva. Nos ta felicita Gobierno di Aruba y NV Elmar pa crea un mercado den energia sostenibel pa inversionnan priva.

Continuacion riba pagina A3

Continuacion pagina A2

E proyecto aki sin duda lo habri caminda pa un proceso acelera di mas uzo di energia solar na Aruba mes y den henter Caribe”, asina Dave Williams, director ehecutivo di SolCarib a duna di conoce.

SolCarib

SolCarib ta un compania di desaroyo di solucionnan y distribucion di ekiponan pa energia solar y ta enfoca riba construi nacionnan solar rond di henter Caribe. SolCarib ta provee solucionnan di financiamiento y inversion pa companianan cualifica, den un esfuerzo pa spaar placa y scapa nos planeta.

Pa mas informacion por subi nan website, www.SolCarib.com.

Gehrlicher Solar America Corp.

Gehrlicher Solar America

Corp. ta construi sistemanan di energia comercial y di utilidad pa companianan cu ta aparece den Fortune 1000 companies, companianan di utilidad, esunnan cu a desaroya y entidadnan di Gobierno. Cu mas di 20 aña di experiencia y conocimiento den ingenieria solar, construccion, operacion y mantencion, cu un portfolio di riba 750MW di instalacion di proyectonan mundialmente. Gehrlicher Solar America Corp. ta integra sistemanan pa garantisa cu ta recobra e inversionnan cu beneficio nan sostenibel pa su clientenan. Pa mas informacion por subi nan website www.gehlichersolar.us.

E inauguracion oficial a tuma luga den presencia di Jeff Ghitman di SolCarib, Diego van Kempen di Brouwerij Nacional Balashi hunto cu Minister Michelle Hooyboer-Winklaar. □